

*Underhavige indie wordt unaniem aangenomen*

*Voorzitter* / *Griffier*  
*[Handwritten signatures]*

**Moshon**

**Eilandsraad Bonaire**

Datum ontvangst:

**OCT 27 2022**

Volgnummer:

**ER-2022.000 644**

**Konseho Insular di Entidat Públiko Boneiru,  
27 di òktober 2022, Kralendijk Boneiru.**

**Moshon Presentá pa Sra. Dr. Esther Bernabela (Frakshon-UPB);**

**Tópiko: Alivio finansiero pa hürdónan di kas na Boneiru ku preis di hür, bou di preis di liberalisashon.**

### **Introdukshon.**

E situashon mundial aktual, teniendo kuenta ku konsekuensianan di COVID-19 i e guera entre Rusia i Ukrania, por wòrdu konsiderá komo un di preokupashon. Den region di Karibe i sigur aki na Boneiru, nos tambe ta wòrdu konfrontá ku e konsekuensianan akí. E preisnan di produktonan di promé nesesidat a bira e último lunanan kasi dòbel. Komo gobièrnu nos tin e obligashon i responsabilidadat pa protehá tur siudadanonan dor di sondia tur posibilidat ku tin na nos alkanse pa por trese un alivio.

Den lus di e situashon akí, nos komo gobièrnu ta tratando di bini ku solushonnan struktural pe komunitat Boneriano, teniendo kuenta ku e leinan eksistente. For di 1 di aprel 2021 e lei i ordenansanan ku ta regulá merkado di bibienda a drenta na vigor. Esaki ta enserá ku kasnan ku preis di hür stipulá bou di preis di liberalisashon ta kai bou di e merkado di kasnan sosial. Preis di liberalisashon, ta e preis stipulá den lei, ku ta hasi un distinshon kual kas ta kai bou di merkado liber òf merkado sosial. E preis di liberalisashon aktual ta stipulá na 750 dòler.

Gobièrnu tin e posibilidat, pa denter di e ordenansa “Huurcommissie – en huurprijzenverordening Bonaire”<sup>1</sup>, hasi un adaptashon na e aktual tabèl di entrada i tambe e montante di e preis di liberalisashon. Hasiendo e adaptashon akí, por duna un alivio finansiero tantu na e hürdonan di kas di Fundashon Cas Bonairiano (FCB) i tambe e partisipantenan na e proyekto piloto “Kontribushon pa hür partikular”, e asina yama BPV.

<sup>1</sup> Komishon di hür i preis Boneiru

## **Konsiderashon.**

### **Konsiderando;**

- Ku kosto di bida a oumentá di un forma aselerá y abrumador;
- Ku hürdónan di kas ku ta kai bou di e merkado di kasnan sosial ta eksperensiendo problema pa kumpli ku nan pago mensual kumbiní;
- Ku apesar ku e hür ku e hürdónan na FCB mester paga, ta wòrdu stipulá segun e tabèl di entrada i konstelashon di famia, e hürdónan tin problema pa kumpli ku nan obligashon mensual;
- Ku tin un relashon kousal formal entre e tres promé konsiderashon nan mensioná;
- Ku riba 11 di yüli 2012 a sera e kombenio “Perspectief op verantwoord wonen” entre Entidat Públiko Boneiru, FCB i ministerio di Asuntunan Sosial i Empleo (SZW).
- Ku riba 14 di mart 2014 a sera e protokòl “Voorkomen huisuitzetting huurders FCB” entre Entidat Públiko Boneiru i FCB, kaminda e Unidat di Bibienda tin e tarea pa duna guia i sosten na e hürdónan ménos pudiente;
- Ku FCB ta eksperensia dor di subida di inflashon, e último lunanan un subida den retraso den pago di hür di kas;
- Ku nos ta komprondé ku FCB tin e obligashon funshonal pa krea y mantené un operashon sano di nan prosesonan diario;


### **Ta disidí:**

1. Pa hasi un evaluashon i adaptashon di e tabèl di entrada i e montante di e preis di liberalisashon;
2. Pa instruí Kolegio Ehekutivo pa entrega un proposishon pa adaptá e tabèl di entrada hasiendo uso di eksperensia di institutonan imparcial manera NIBUD;
3. Pa hasi e trámitenan nesario asina e adaptashon di e tabèl i e montante di e preis di liberalisashon por drenta na vigor entrante promé di yanüari 2023;
4. Pa Unidat di Bibienda intensivá e guiá i sosten na e hürdónan ménos pudiente;
5. Pa Konseho Insular aloká medionan finansiero pa por sania debe di hür di kas serka hürdónan di kas di FCB te ku 31 di desèmber 2022, asina tur hürdó por drenta aña 2023 sin ningun debe atrasá;
6. Pa na momentu ku e debe di e hürdónan di kas na FCB wòrdu kanselá, lo stòp tur posibel proseso di evakuashon obligatorio, den e promé kuartal di 2023.

### **y ta pasa pa órden di dia.**

Moshon entrega y presentá pa:

Sra. Dr. Esther J. Bernabela (UPB);



**Miembro: Sr. Norbert F. Silberie (UPB);**



---

**Miembro: Sr. Ing. Elvis Tjin-A-Sjoe (MPB);**

---

**Miembro: Sr. Edwin Domacasse (MPB);**

---

**Miembro: Sr. Cyrill Vrolijk (MPB);**

---

**Miembro: Sra. Daisy Coffie (Frakshon Coffie)**

---

**Miembro: Sr. Clark Abraham (Partido Demokrat)**

---

**Miembro: Sra. Rolanda Makaai (Partido Demokrat)**

---

**Miembro: Sr. Daniel Crestian (Partido Demokrat)**

---